

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2112791800 որոշումն անփոփոխ թողնելու, իսկ թիվ 2112792128 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<15>> 06 2021թ. 7-13-9604

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Անուշավան Միրզոյանի ՄԴ/44941-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Անուշավան Միրզոյանը (**ծանուցման հասցե՝** քաղաք Երևան, Արաբկիր վարչական շրջան, Կոմիտասի պողոտա, 36Բ շենք, 2-րդ բնակարան) դիմումով հայտնել է, որ նույն իրավախախտման համար կայացվել են երկու տարբեր որոշումներ և նա ոչ թե կատարել է վազանց, այլ շրջանցել է խոչընդոտը:

Դիմումի քննարկման արդյունքում պարզվել է, որ թիվ 2112791800 որոշումը ենթակա է կատարման, իսկ թիվ 2112792128 որոշումը՝ բեկանման, հետևյալ պատճառաբանությամբ.

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Ճանապարհային ոստիկանության Ճանապարհային երթևեկության կազմակերպման հսկողության բաժնի կողմից տրված տեղեկանքի համաձայն՝ Երևան քաղաքի Ազատություն - Նաիրի Զարյան - Ա. Տիգրանյան փողոցների խաչմերուկի հատվածում՝ Ն. Զարյան փողոցի վերջնամասում, դեպի վերը նշված խաչմերուկ երթևեկության ուղղության համար տեղադրված 3.20 <<Վազանցն արգելվում է>> ճանապարհային նշանը առկա է եղել նաև իրավախախտումն արձանագրված օրը:

Ճանապարհային ոստիկանության թիվ 2112791800 և 2112792128 որոշումների հիմքերում դրված տեսանյութերը փաստում են, որ <<NISSAN>> մակնիշի 34RZ960 հաշվառման համարանիշի տրանսպորտային միջոցի վարորդը նույն իրավախախտման համար կրկնակի ենթարկվել է վարչական տույժի 3.20. «Վազանցն արգելվում է» ճանապարհային նշանի պահանջը խախտելու համար: Նշված իրավախախտումն արձանագրվել է 07.05.2021թ. ժամը 14:53-ին Երևան քաղաքի Ազատության - Ն.Զարյան - Ա.Տիգրանյան փողոցների խաչմերուկի հատվածում:

Այսպիսով, նկատի ունենալով, որ դիմումատու Ճանապարհային ոստիկանության թիվ 2112791800 որոշմամբ արդեն ենթարկվել է վարչական տույժի, ուստի թիվ 2112792128 որոշումը տեխնիկական վրիպակի արդյունք է և ենթակա է բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 8-րդ կետով, 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2112792128 որոշումը բեկանել և վարչական իրավախախտման վերաբերյալ գործի վարույթը կարճել:
2. Ճանապարհային ոստիկանության վարչական տույժ նշանակելու մասին թիվ 2112791800 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Անուշավան Միրզոյանին:



Ե. Կարապետյան